



**MILWAUKEE
PUBLIC SCHOOLS**

Hawm Txog Tsev Neeg thiab Cov Neeg Ua Haujlwm Hauv MPS,

Vim xyoo kawm ntawv tshiab 2021–22 yuav pib sai sai tom ntej no, MPS yuav tshaj tawm tej xov xwm tshiab kom sawvdaws paub txog. Peb muaj xov xwm tseem ceeb txog kev txhaj tshuaj, peev nyiaj pab uas yog ESSER, thiab lub lim tiam MPS Spirit Week.

Kev Cai Kom Cov Neeg Ua Haujlwm Mus Txhaj Tshuaj Dhau Los Ua Kev Cai Lawm; Nyiaj Dej Siab Rau Cov Tub Ntxhais Kawm Tau Kev Pom Zoo Lawm

Pab pawg tsav xwm ntawm lub Milwaukee Board of School Directors tau tuav ib rooj sib tham tshwj xeeb nyob rau Lub 9 Hli tim 9, 2021 los tham txog kev cai kom cov neeg ua haujlwm mus txhaj tshuaj COVID-19. Pab pawg tsav xwm tau pov ntawv los pom zoo hais kom txhua tus neeg ua haujlwm mus ua li ntawd. Kuj yuav tso cai rau cov neeg uas muaj ib txoj kev ntseeg lossis yam mob nkeeg twg tsis tas los txhaj tshuaj los tau tiamsis yuav tseev kom lawv mus kuaj mob rau COVID-19 txhua lub lim tiam ob zaug. Yuav tseev kom txhua tus neeg ua haujlwm mus txhaj tshuaj tiav pib Lub 11 Hlis tim 1, 2021.

Yuav txhawb kom cov tub ntxhais kawm mus txhaj tshuaj, ces pab pawg tsav xwm kuj pom zoo muab dej siab \$100 rau txhua tus kawm nyob hauv MPS uas muaj 12 xyoos rov saud. Cov tub ntxhais kawm uas muaj pov thawj tias lawv mus txhaj tshuaj tiav lawm thaum txog Lub 11 Hlis tim 1, 2021, ces yuav muaj npe txais dej siab.

Lub tuam tsev saib xyuas cheeb tsam tsev kawm ntawv mam li qhia txuas ntxiv rau cov neeg ua haujlwm thiab tsev neeg paub ntxiv tom ntej, xws li yuav thov kev pab cuam ntxiv li cas, yuav xa pov thawj tuaj tias mus txhaj tshuaj tiav lawm li cas, yuav thov dej siab rau cov tub ntxhais kawm li cas, tej xwm uas tsis ua raws cai yog li cas, thiab ntau yam ntxiv.

Chaw Txhaj Tshuaj Hauv Zos

Cov kws saib xyuas kev noj qab nyob zoo tseev kom txhua tus neeg uas muaj npe mus txhaj tshuaj rau COVID-19 kav tsij mus hno koob sai li sai tau. Koob tshuaj yuav txo qhov uas sib kis kab mob thiab cheem kom tus kab mob tsis txhob nthuav dav mus deb.

Koob tshuaj yuav dawb rau txhua tus neeg uas muaj 12 xyoos rov saud. Yog xav paub ntxiv txog koob tshuaj, mus xyuas lub vas sab [City of Milwaukee Health Department COVID-19](#), tiv tauj koj tus kws kho mob, lossis mus xyuas ntawm tej khw muag tshuaj.

Yuav kom muaj ntau qhov chaw uas txhaj koob tshuaj COVID-19 ntxiv, lub cheeb tsam saib xyuas tsev kawm ntawv tseem xyuas seb puas tsim tsa tau tej tsev txhaj tshuaj rau ntawm tsev kawm ntawv kom thiaj li yooj yim. Tom ntej no mam li qhia seb yog li cas.

Kev Noj Qab Nyob Zoo thiab Kev Nyab Xeeb Yog Lub Zej Zog Sib Pab Ua

Peb sawvdaws ua tau peb feem los pab kom peb lub zej zog nyab xeeb thiab noj qab nyob zoo los ntawm looj daim ntaub npog qhov ncauj thaum tawm rooj, xyaum sib nruq deb, npos qhov ncauj thaum hnoos thiab txham, thiab soj qab seb puas huam tej tsos mob COVID-19 tuaj. Cov uas muaj tej tsos mob COVID-19 lossis tau mus nyob ze ib tug neeg uas mob yuav tsum nyob tsev thiab mus kuaj mob. Tau muaj tej [Txheem lus tseem ceeb txog cais nyob tsev thiab caiv nyob ib leeg](#) (muaj ua ntau yam lus) uas lub Wisconsin Department of Health Services (DHS) tau npaj tseg. DHS kuj muaj daim ntawv [COVID-19 and School: Information for Parents and Guardians \(ntawv qhia pab cov niamtxiv\)](#) uas muaj ntau yam lus thiab. MPS pom zoo kom txhua tus mus nyeem cov txheem lus es thiaj li nyab xeeb rau txhua tus.

Peev Nyiaj ESSER Muab Siv Li Cas Thiaj Tsim Nyog

Peb caw txhua tsev neeg thiab cov neeg ua haujlwm los koom tes teb cov lus nug txog yuav siv peev nyiaj pab uas los ntawm tsoom fwm los uas yog Elementary and Secondary School Emergency Relief (ESSER) yuav muab siv li cas thiaj tsim nyog. MPS yeej txais ntau lab nyiaj los txhim kho cheeb tsam tsev kawm ntawv lawm. Tom qab cov neeg zej zog teb cov lus nug ntsuas tag thiab mloog tej lus txog tej yam uas cheem tsum kho, peb xav caw koj los nyeem txog lub hom phiaj npaj txhim kho yog li cas. Thov mus nyeem thiab [teb cov lus nug ntsuas](#) nyob rau peb [lub vas sab peev nyiaj ESSER](#). Yuav qhib cov lus nug teb mus kom txog Lub 9 Hlis tim 16, 2021.

Lub Lim Tiam Ua MPS Spirit Week

MPS yuav ua Spirit Week nyob rau Lub 9 Hli tim 13-17, 2021, kom cov tub ntxhais kawm thiab cov neeg ua haujlwm thiaj li muaj feem koom hnav tej khaub ncaws tshwj xeeb thiab nco txog MPS.

Monday: School Pride/School Colors Day (hnav cov xim rau lub tsev kawm ntawv)

Tuesday: Crazy Sock Day (rau thom khwm kom vwm)

Wednesday: Book Celebrity Day (tus neeg sau ntawv uas koj nyiam tshaj)

Thursday: College and Career Day (hnav kawm ntawv qib siab)

Friday: Number One Fan/Favorite Team Day (hnav pab pawg koj nyiam tshaj)

Thaij duab nyob rau lub Spirit Week thiab muab tso tawm rau hauv tej vas sab social media yam siv #MPS Proud los tso tawm.

MPS kuj zoo siab heev los tshaj tsawm yam zuab mov uas tibneeg nyiam noj tshaj plaws yuav rov qab tuaj rau tom tsev kawm ntawv--Mock Chicken Leg (nqaij zom kib zoo li ncej puab qaib)! Yam khoom noj yuav muab rau sawvdaws noj thawj thawj zaug nyob rau lub sijhawm Spirit Week thaum Lub 9 Hli tim 17.

Los koom! Muaj feem rau Spirit Week, los noj Mock Chicken Leg, thiab tuaj kawm ntawv txhua hnuv. Vam tias yuav ntsib koj hauv chav kawm!

[Rub tawm daim ntawv qhia txog cov ntsiab rau lub Spirit Week!](#)

Ntawm cheeb tsam saib xyuas tsev kawm ntawv, peb lub hom phiaj yog los pab kom cov tub ntxhais kawm tuaj kawm ntawv txhua hnuv. Yam zoo tshaj rau peb los tawm tsam tus kab mob COVID-19 yog los sib koom tes thiab mus txhaj tshuaj, looj daim ntau npog qhov ncauj, thiab ua raws li tej txheem lus pab kom nyab xeeb. Peb txhawb kom sawvdaws ua raus tes ua lawv feem kom Milwaukee yog ib qho chaw nyab xeeb.

Peb xav ua koj tsaug ua ntej rau koj li kev koom tes thiab peb yuav rau siab pab kom cov tub ntxhais kawm, cov neeg ua haujlwm, thiab tsev neeg nyob nyab xeeb.

Sau npe,